

آبونه شرائطی  
داخلی، خارجی، مریایمونی  
سنه لکی (۲۵۰)، آلتی آلتی  
(۱۳۰) غروشدور  
نسخه سی ۵ غروشدور  
سنه لکی ۵۲ نسخه در  
اداره خانه  
باب خالی بجا ده سنده دائره مخصوصه  
اخطارات  
آبونه بدلی بهرجه  
مسئله موافق آثار مع المنوبه  
قبول اولنور . درج ایله  
یازیلار اعاده اولونماز

# الشیخ الاسلام

۱۳۳۰

دینی، فلسفی، علمی، ادبی، سیاسی هفته لقی مجموعه اسلامیه در  
ساحب و مدیر مسئول  
باشی مجرد

و الله یهدی من یشاء الی صراط مستقیم محمد عاکف

اشرف ارباب

آبیمون اهدکم سیل الرشاد

اخطارات  
ادرس تبدیلینده آریجه بهی  
غروشدور کوندلیله  
مکتوبلرله امضالری واضح  
واو قوناقلی اولوسی و آریجه صره  
نوسوسنی شعری بونوسی  
لازمدر  
عالمه اجنبیه ایچون آبونه اولانلرک  
آدوسلرینه فرانسوزجه ده یازلسی  
رجا اولنور  
باده کوندلریکی زمان نیه داتر  
اولدینی واضحاً بیلدیرلسی  
رجا اولنور

عدد : ۶۶۰ ۵ جمادی الآخر ۱۳۳۸ پنجشنبه ۲۶ شباط ۱۳۳۶ ۱۸ جلد

## اسرار قرآن

بسم الله الرحمن الرحيم

« اقتطمعون ان یؤمنوا لکم وقد کان فریق منهم ... »

۵

یوقاریدن بری سویلدیکمز سوزلردن حیلہ شرعیہ نیک جوازینہ  
قائل اولانلرجه استناد ایدلک ایسته نیان دلائلک اساسی نه اولدینی  
آکلاشیلیمشدر . بونلرک سرد ایتدکری بوتون قوللری ، رأیلری  
مناقشه قالدیشیق صدردن اوزاقلانلرجه ایجاب ایدمک : اولنک ایچون  
یالکیز کتساب ایله سنتدن نه کی سندلره دایمقده اولدقلری ذکر  
ایده جکیز .

امام ابن قیم الجوزی (اعلام الموقعین) ندہ ایوب علیه السلامه داتر  
اولان آیت جلیله یی تشریح ایدرکن استناددن قلاً برماقم ایضا حاتم  
بولنمشدکه دیکلینلر ایچون شهبیه ، مناقشه محل قالماز . مشارالیه  
توجیهاتی شولردن عبارتدر :

۱ — فقهای اسلامدن بعضیلرینه کوره قاریسنه ، یا خود کوله سنه  
یوز دکنک اورمایه یمن ایتش اولان کیمسه ایچون بودکنکری بر  
آریه کتیروب برکرده اوردیقده واردر ، آری آری اوردیقده .  
بناء علیه آیت کریمه نیک حیلہ شرعیه ایله مناسبی یوقدر .

۲ — آیت کریمه ایوب علیه السلامک شریعتی بیسان ایدیور ،  
بزم شریعتیزی بیلدیرمیور . شاید « بزدن اولکیلرک شریعتی بزم  
شریعتیزدر ، قاعده سی ایلری سوروله جک اولورسه دیرزک بوقاعده

بزم شریعتیزدره اونی نقص ایدمک بر حکم بولنما مقبله مشروطدر ،  
یوقسه مطلق دکلدر .

۳ — کندیسنه اوروله جق شخص صاعلام اولدینی صورتده  
دکنکری آری آری اورولماسی واجب ایکن او شخصک امیدسر  
درجه ده خسته اولماسی ، بالاجماع ، مطلق صورتده خسته اولماسی ده ،  
بعض اقواله کوره ، دکنکری بر آریه کتیرلسنی جائز قیلار . چونکه  
آری آری اورولماسنه تحمل ایدمیه جکدر . نه کیم سنت رسولده  
بونی مؤیددر . ایوب علیه السلامک زوجہ سی ده آری آری یوز دکنک  
جزاسنه تحمل ایدمیه جک قدر ضعیف اولدینی کی اخلاق طاهره سی  
طلولایسیله زوالسیده موقع مقبولیتی بولندیغندن جناب حق کندیسنه  
مرحمت بویوردرق یعنی ایله واجب اولان ضربه لری بر دمتہ قلب  
وتوحید سورنیلہ او یچاره نیک جزاسی تخفیف بویوردی ؛ نه کیم عینی  
حکمه معروض بولان خسته لری جزاسی ده تخفیف بویوردی . بناء علیه  
دکنکری دمت حاتمده توحید ایله حیلہ شرعیه نیک مناسبی یوقدر .  
بو صورت جنساب حقیق قوللرینه مرحله تبلیغ بویوردینی بر حکم  
الاسیدر . کورمزیمسکیز که بوتون مالنی تصدیق ایتلک نذرندہ بولان بر  
آدمی اومالک اوچده برینی ویرمکه مکلف طومق ، کذلک بوتون  
مال و ملکنی وصیت ایدن بر آدمک متروکاتندن یالکیز اوچده برینی  
وصیت اولنان ذات ویرمک مقتضای سنتدر . بونده کی حکمت ایسه  
نذر ایدن آدم ایله ، وارثک حقوقی صیانتدن باشقه برشی دکلدر .  
سنت پیغمبریده بوکا نمائل برچوق مسائلک دها واردر که ابن قیم بر  
جوغنی ذکر ایتشددر

شویان ایتدیکمز اوچ وجهک بزجه الصاعلامی سوکنه جیسیدر .  
ایشته ایوب علیه السلامک یعنی تاویل حقندہ سویله نیلان سوزلر

بولردرکه اونبی مکرم یوز دکنکی بر دمتده جمع ایتک صورتیه  
قسمنک حکمنی یرینه کتیرمش اولیور .

یوسف علیه السلام قاردشلیله اولان قصه سنه کلنجه بوبابده کی  
رایمزی بیان ایتزدن اول وقعیه خلاصه نقل ایله من ایجاب ایدیور:  
ملک مصر طرفدن حضرت یوسف او دیارک بوتون خزان  
مالیه سی تودیع ایدلکدن صکره کونله برنده قاردشلی کندیسک  
حضورینه چقیورمشلردی . حضرت یوسف اونلری طمانیشدی ؛  
لکن بولر پدرینی قاندره رق تنزه ایچون قیرلره چیقاردقلری وکندیسنه  
هیچ بر تهلهک اصابت ایتیه چکنه دأر عهد و میثاق ایتک صورتیه  
اویامان حیلینی ترتیب ایدلکلی یوسفی طانیه مامشلردی .

احتمال که حضرت یوسف قویوه آتیلما سیله قاردشلینک ذخیره  
آلق ایچون حضورینه چیقمالری آرسنده کی قرق سنهک برمدت  
نبی مشارالیهک سیماسنده قاردشلی طرفدن بردن بره طانمسیه حق  
قدر تبدل حصوله کتیرمشدی .

آکلاشیلیور که حضرت یوسف جناب حق طرفدن ملک و حکومت  
نائل اولدقدن صوکره پدرینک احوالی صوروشدیرمقدن اصلا کری  
طورمیورمش . بناء علیه کندیسک صوکره دن بر ارکک قاردشی  
دنیا به کلدیکندن خبردار ایش . ایشته برنجی سفرلرنده فوق العاده  
اعزاز و اکرام ایش و ایستدکلرندن زیاده ذخیره ویرمش اولدینی  
قاردشلینه « بردها سفره بکا بابا کزدن اولان قاردشکزی کتیریکز »  
دیبه قصد ایتدیکی ارکک قاردشی بودر .

قالدی که حضرت یوسف قاردشلینک حالی وقحط و غلا یوزندن  
معروض اولدقلری شداندی سیدکی ایچون « قاره شکزی کتیرمزه کز  
سزه ذخیره ویرم » هیچ یانه یا قلاشلیکز » دیمشدی . صوکره بو  
حیله سنی اتمام ایدرله کندی آملرینه قاردشلینک کتیرمش اولدینی  
ذخیره بدلکی کندیلرینک خبری اولقسزین یوکلرینک ایچنه صاقلاملرینی  
امر ایش ایدی . مقصدی ده بولر یوردلرینه دونه رک ذخیره یی  
آچوب بدلتک اعاده ایدلکی کوریجه کندی حقنده ذاتاً مساعد  
اولان ظنلری بر قات دهسا کوزلشه چک ، نظرلرنده کرم و سباحی  
صوک درجه یی بوله جقدی .

بحث بستمی

عبدالعزیز چاوش

### عرصة عرفات

مساوات مطلقه احرامته بورومش بیکلرجه سروپا برهنه نک کاه  
صفا و مروه ساحه سنده مست باده توحید اوله رق جولانلری ، کاه بیت  
معظمک اطرافنده سبل خروشان کی شطارتلی تموجلری نه قدر شوق  
افزا ایسه عرصة عرفاتده یوز بیکلرجه ارواح ساله نک حضور وحدانیه  
قارش خشوع مسکنتلری ده اولقدر عبرتقا اول مرتبه حیرتبخشادر .

بالای جیلده ناقة سوار برپیر روشن ضمیرک خطبه کرامتیبانی اده  
صره ( لیک ) دیمسنی امر ایدر . بواصری اشارتله تبلیغ ایچین نفوس  
موجوده عددنجه احرام اوچلرینک صاللانیدیغنی کوردکجه اوکوه  
بر شکوه پروبال آچمش ، دهسا عالی بر مقامه عروج ایده چک ، هغه  
عرفات دخی اوکا پیرو اوله حق ظن اولنور .

او محیط معظمدن انتشارایدن ( لیک ) صدرلرینک هیئت مجموعه سی  
اطرافه عکس انداز اولدقجه طاعنلر ایکلیور ؛ وادیلر آه ایدیور ،  
الله دیور قیاس اولنور . دریای تضرع ایچنده چرپنان یوز بیکلرجه  
روح متبجح ، شعار عبودیت دائره سنده اشکریز ندامت اولان ینه اولقدر  
قلب حزن جسماً منتشر و متفرق ، فکر آ متحد و متفق اوله رق هب  
بردن تجلی انوار رحمت انتظارنده بولنور .

براشتیاق والهاته ایله دنیانک هر گوشه سندن کلوب طویلانان  
متنوع مشربلر ، مختلف مذهبیلر هب بر نقطه وحدته توجه ، هب بر  
مشرق عنایتدن استعدای طافت ایلور . هر کوز الله باقیور . هر  
قولاق الهی دیکلیور . هر قلب الهی دوشونیور .

دینه بیلیر که وادی عرفانک هر ذره خاکی بر قلب متفکره هر ریزه  
خاشاکی بر لسان ذا کر وظیفه سنی ایفا ایدر . انسان دامن جیلده کائن  
حوض بهشتینک کنارنده اقشامه قدر دور و بده دریای فیوضاتک جوش  
و خروشنی کورملیدر . کیزلی کیزلی اهلرله سوز و کداز درونی خالقه  
ایصال ایدن توبه کارانک محرق و مؤثر اولان غلیان صدق و صفوتلرینی  
سیر ایتلیر که علویت اسلامیه نک درجه سنی تمامیه تقدیر ایده بیلسین .  
اک بویوک مدار سعادت حضور بر نور رسالتده نیاز و روضه  
مطهره ده نمازدن هبارتدر . اونیا زله طریق صلاح بولنور . او نمازله ده  
اصلاح نفس اولنور .

شفاعتیه خلاص امتی درعه ده بیوران نبی محترمک لطف عمیم  
هایونلرینه علاوه صدیق اکبرک ، فاروق اعظمک ، الحاصل بوتون  
بوسلسله شفاعتکارک حضور عالیه مباحی و شرفیاب ازلقدن بویوک  
نه سعادت تصور اوله بیلیر .

خیمه نشین عین حنت اولان اصحاب کرامک وبالخاصه جناب  
حزمه نک مقدس ارامگاه سعادتلرنده شعله فشان اولان انوار رحمتدن  
متحصل صفا بنحشاء حیات افزا تأثرات روحیه ایله فیضیاب اولمق ابدی  
بر نعمت عظمادر .

ایشته بش سنه اولیور که مسلمانلر او سعادتلردن ، اونعتلردن  
محروم بولنیور : ینه نتیجه حرب عمومی ، ینه حربک یادکار مشومیدر .

در دوغم دریاسنه آتش بزی اللهمز  
واصل اولماز می اوکا بر کره اولسون آهمز  
طالمک اولسون بوتون ذوق و صفای جنتک  
قور تولوشدر حال حاضر ون بزم دلخواهمز

امین فیضی